

# GREEN CLIMATE FUND (GCF) NA NATIONAL DESIGNATED AUTHORITY (NDA) BILONG PAPUA NIUGINI



*Sot na kwik gaid bilong Green Climate Fund (GCF)  
na wok bilong Papua Niugini National Designated Authority  
(NDA) i go long Green Climate Fund*



# Wanem em Green Climate Fund?

Green Climate Fund (GCF) em i wanpela bikpela intanesinal opis/bodi we i kamapim moni long helpim o halivim ol wok bilong developing kantri o liklik kantri long paitim wok bilong klaimet Senis. Green Climate Fund (GCF) em moni Opis we i bin kisim tok orait/Pawa long United Nations Framework Convention on Climate Change (UNFCCC) na i kamap olsem wanpela opis long wokim ol wok ananit long dispela lo ol i pasim long 2015, ol i kolim long tok Inglis olsem - Paris Agreement 2015. Dispela moni bai helpim ol developing kantri long daunim wok bilong ol win o simuk nogut ol ikolim Grin Haus Ges (GHG's) long spred na long redim ol wok long stap siev long klaimet senis. Em (GCF) i lukluk long sapotim ol bikpela na niupela senis long low-emisen o daunim spred bilong win o simuk nogut na sapotim klaimet risilien developmen o developmen we i ken kamap gut namel long klaimet senis.

Wok bilong klaimet senis i nidim olgeta eksen long olgeta kantri, wantaim tu ol publik na praivet sekta. Ol bikpela ekonomi i wanbel long mobalaisim ol bikpela risos. Ol dispela risos bai kam long ol sampela sos, na bai lukluk long nid bilong wanwan kantri long sait bilong mitigesen (stopim) na adeptesen (abrusim) klaimet senis.

Ol aktiviti bilong GCF i alain wantaim ol prairiti bilong ol developing kantri thru long sampela prinsipel o rol oli kolim long kantri ownasip, na Fund i statim wanpela rot oli kolim long "direct access modality" na ol nesene na sab nesene oganasesen i ken kisim fanding i kam stret long ol, na ino thru long ol intenesen lain tasol.

GCF i lukluk long mekim wok hariap ananit long klaimet moni/klaimet fainens long putim moni insait long dispela tupela eria; low-emisen na klaimet-risilien developmen, long wokim kamap niupela wok na senis insait long dispela bikpela wok bilong klaimet senis.

GCF i gat niupela wei bilong tingting long yusim ol publik invesmen long kirapim fainens ikam long praivet sekta, na opim dua long gupela invesmen bai sapotim developmen i gat low emisen na i ken sanap strong. Long kisim gupela wok, GCF i gat eim long painim ol senis long ol funds, na mekim planti ol gupela wok bai opim dua long ol niupela maket na invesmen.

## BALENSIM O SKELIM RESPONSIBILITI O WOK



Ol invesmen bilong GCF i lukluk long painim bikpela impek o kaikai bilong ol wok insait long ol developing wol, long sapotim ol senis i mas kamap long sait bilong mitigesen na adeptesen. Fund emi lukluk long balensim invesmen o sapot bilong em 50-50. Em i lukluk tu long 50 perent sapot bai go long adeptesen bai go long ol kantri husat i no strong tumas, olsem ol LDC (Least Developed Countries), SIDS (Small Island Development States, na ol kantri o Stet bilong Africa.

## RAUSIM LOK O OPIIM DUA BILONG OL PRAIVET FAINENS



Dispela Fund em i narakain long ol narapela na it gat save na iken engeg wantaim ol publik na praivet sekta lain long kirapim tingting long kamapim invesmen bilong wok bilong klaimet. GCF bai wok bung wantaim ol praivet sekta thru long Private Sector Facility (PSF). Em bai yusim Innovative Framework o wei bilong mekim wok wantaim ol nupela wei na tingting. Emi gat save long traime mekim wok long ol hap we i gat sampela risk, na larim em yet long sanap na bungim ol fainens sapot long ol narapela lain. Em bai givim ol kain fainensel prodak olsem ol grant, konsesinel lons, ol sampela kain dinaw, na tu ol mekim na garanti. Dispela bai mekim em long sapotim ol nids bilong ol projek na lukluk long ol hap bilong mekim invesmen, wantaim tu ol fanding bilong em long rausim ol samting bai blokim ol praivet fainens.

## O KANTRI IMAS SOIM OLSEM EM WOK BILONG EM YET



GCF i luksave long nid bilong wanwan kantri long soim tru olsem ol dispela fanding em i bilong ol na ino bilong ol narapela na ol iken kisim kam insait long ol nesene eksen plen bilong ol. Ol developing kantri bai makim National Designated Authority (NDA) nae m bai mekim wok olsem namel man, wantaim ol gavman bilong ol na wantaim GCF. NDA i mas givim tok orait o mas apruvim olgeta projek aktiviti insait long kantri. Dispela rot bai mekim sua olsem olgeta aktiviti bilong GCF bai wok gut wantaim ol nesene prairiti.

FIGA 1. Ol tripela wei GCF bai wok. Sos: GCF 2020. Available at: <https://www.greenclimate.fund/about>

GCF bai inves long ol wok bilong adeptesen (abrusim) na mitigesen (stopim) insait long ol developing kantri, na bai menesim wanpela projek we patna bilong em, dispela Accredited Entity (AE) bai karim aut.

# Wanem em wok bilong NDA?




**FIGA 2.** Ol risponsibiliti o wok bilong NDA long makim ol nesanel prairiti na interes bilong Papua Niugini.

Sos: GCF Sekretariat 2019.

National Designated Authorities (NDA) em ol gavman institusen husat i sev olsem namel bilong wanwan kantri na Fund. Oli provaidim o givim bikipela lukluk long olgeta wok bilong Green Climate Fund insait long kantri na tokaut long ol prairiti bilong kantri long fainensim developmen igat low emisen na strong bilong sanap na kam bek maski klaimet senis ikamap.

Ol gavman ejensi long Papua Niugini na ol lain ministri i gat impoten wok long mekim long sait bilong disainim, na karim aut, kodinetim na moniterim olgeta wok bilong abrusim na stopim ol hevi bilong klaimet senis insait long kantri. Long mekim gutpela wok, gavman i mas gat save na ol lain husat bai mekim wok long plenim, kisim sapot, na karim aut ol wok, skelim na ripot long klaimet fainens we istap alain wantaim ol nesanel prairiti na polisi.

Gavman bilong Papua Niugini i gat bikipela wok long lukautim na plenim ol wok bilong klaimet senis na disasta risk menesmen insait long kantri. Gavman i nominetim Climate Change Development Authority (CCDA) aninit long Ministry of Environment, Conservation, and Climate Change olsem NDA i go long GCF na i putim Klaimet Senis (Menesmen) Ekt (2015) olsem wanpela lo i karamapim klaimet senis. NDA i gat bikipela wok long makim Papua Niugini long olgeta prairiti na interes long klaimet senis igo long Green Climate Fund. (Lukim Figa 2).



**FIGA 3.** Ol wok (rol na risponsibiliti) bilong GCF National Designated Authority.

Sos: GCF Sekretariat 2019.

**TEBOL 1. Definisen bilong ol wok (rol na responsibiliti) bilong GCF National Designated Authority.**

<p><b>Mekim wok bilong bungim ol stekholda</b></p>	<p>Mekim wok bilong bungim ol ki nesanel stekholda husat i mas stap long proses bilong GCF, olsem nesanel gavman ejensi, lokal gavman, praiwet sekta, sivil sosaiti na komyniti, na ol developmen patnas.</p>
<p><b>Givim aut ol nominesen leta bilong dairek akses</b></p>	<p>Ol aplikesen leta bilong ol sab nesanel, nesanel o riginel entiti husat i laik kamap akreditet long dispela dairek akses trek i mas kam wantaim wanpela nominesen leta i kam long NDA.</p>
<p><b>Givim no objeksen leta bilong ol projek na program</b></p>	<p>No-objeksen leta i go long GCF bai kam long NDA o fokel poin, wantaim sabmisen bilong fanding proposel i kam long akreditet entiti. Sapos proposel i sabmit na i nogat no objeksen leta, GCF bai toksave long NDA o fokel poin na sabmitim proposel igo long Bod sapos no objeksen leta bai ken kamap insait long 30 pela de. Sapos, nogat, proposel bai ino nap go, na tok save bai kam long akreditet entiti.</p>
<p><b>Apruvel o tok orait bilong redines sapot</b></p>	<p>NDA o fokel poin i ken kisim sampela benefit i kam long fanding, o ol sampela intanesenel, riginel, nesanel o sab nesanel, pablik o praiwet o non gavman institusen, husat igat save long mekim ol redines wok olsem ol delivari patna bilong ol. Fund tu i ken givim ol redines wok igo long ol narapela sab nesanel, nesanel o riginel entiti husat i painim akreditetsen wantaim Fund long redim ol long aplai long akreditesen, na long ol entiti husat i gat akreditesen long developim ol projek na program paiplain.</p>
<p><b>Stretejic lukluk I alain wantaim ol nesanel prairiti</b></p>	<p>.Dispela bai lukluk long alainim ol nesanel sastenebel developmen objektiv na ol fremweks olsem klaimet stretejis na ol polisi, eksampel National Adaptation Programmes of Action (NAPA), Nationally Appropriate Mitigation Actions (NAMs), National Adaptation Plans (NAPs), kain olsem. Redines program bilong Fund bai givim sapot long developim o strongim ol dispela kain stretejic fremwek na kamapim ol kantri program long luksave long ol stretejic prairiti long wok wantaim Fund.</p>



# Hau projek saikel bilong GCF program bai wok long Papua Niugini

Fig 4 i givim gaid long proses na ol risponsibol pati long ol narakin GCF level projek na program. Tebol 1 i autlainim dispela 14-pela step long dispela proses bilong Papua Niugini wantaim moa toktok o inpomesen.



FIG 4. Projek na program proses bilong GCF. Sos: GCF Sekretariat 2019.

Intanesinel na Rijinel Entiti	Kontribusen we I ken kam
Asian Development Bank (ADB) CGIAR System Organization Conservation International (CI) European Investment Bank (EIB) Food and Agriculture Organization of the United Nations (FAO) Deutsche Gesellschaft für Internationale Zusammenarbeit (GIZ) International Finance Corporation (IFC) International Fund for Agricultural Development (IFAD) International Union for Conservation of Nature (IUCN) Japan International Cooperation Agency (JICA) Korea Development Bank (KDB) Kreditanstalt für Wiederaufbau (KfW) Pacific Community (SPC) – Regional DAE Save the Children Australia Secretariat of the Pacific Regional Environment Programme (SPREP) – Regional DAE World Bank Group (WB) World Wildlife Fund (WWF) United Nations Development Programme (UNDP) United Nations Environment Programme (UNEP) World Food Programme (WFP)	<b>I Rijinel na Intanesinel AEs:</b> <ul style="list-style-type: none"> <li>• Developim na submitim ol konsep nouts na fanding proposol bilong ol projek na program</li> <li>• Mekim wok painimaut na engeijim ol lain husat bai mekim wok (projek proponen) na ol nesinol stekholda long disainim projek.</li> <li>• Givim o provaidim teknikel save na advais bes long wok ikamap pastaim na bikpela luksave long ol lokel konteks o hap wok bai kamap.</li> <li>• Givim lukluk na wok bilong karim aut na menesim ol projek na program.</li> <li>• Karim aut monitoring na evaluesen (wok bilong skelim) long ol konsep nout na ol proposol bilong GCF.</li> <li>• Givim aut ol sampela fainensel grant, ol konsesinel lon, ekwiti na garanti.</li> <li>• Provauidim ko-fainenseng o sapot moni bilong karim aut ol GCF projek o program</li> <li>• Mobalaisim na menesim ol GCF fainens long nem bilong kantri</li> <li>• Mobalaisim moni o sapot iken kam long praivet sekta o kampani</li> </ul> <b>OI Nesinol DAES:</b> <ul style="list-style-type: none"> <li>• Taim Papua Niugini ikisim nesinol akreditesen thru long ol nesinel entiti, wok bilong developim na karimaut ol proposol em ol Nesinol DAES bai go pas long ol. Em bai impoten long mekim sua olsem ol PNG DAES igat sapot ikam long GCF, na ol divelomen patnas long mekim wok redi na karim aut ol wok bilong projek olsem rikwaiamen aut.</li> <li>• Taim ol ikisim pinis akreditesen, ol nesinol DAES imas wok bung insait long GCF projek we istap alain wantaim ol tingting na save bilong ol.</li> </ul>

TEBOL 2. Intanesinel na Rijinel Entiti.



## TEBOL 3. GCF projek na program saikol long Papua Niugini.

### Proses Level 0: Graun Level.

- 0. Stat bilong proses.** Ol stekholda konsaltesen (bung, toktok na pasim tok) stretim toktok na teknikel advais ikam long olgeta stekholda, ol sab nesanel edministresen (Provissel, distrik, LLG),praivet sekta, sivil sosaiti, ol save meri na man (akademia) ol dona komyuniti, na ol developmen fainens institusen (AEs, DAEs, olsem)

### Proses Level 1: Ol step igo long 5, NDA bai mekim wok bilong em olsem kodineta na konvina (wok bilong bungim olgeta).

- 1. Submitim wanpela nesanel adeptesen plen** o voluntari adeptesen plen na ol sampela hap bilong nesaneli ditemint kontribusen (nationally determined contributions) bilong Papua Niugini igo long GCF sekretariat.
- 2. Tok klia long ol nesanel tagets na ol praioritis bilong Papua Niugini long alainim ol projek I kam long ol proposel o ol program wok.** Developmen bilong ol praioriti bilong ol projek na program long Papua Niugini imas alain wantaim ol nesaneli taget insait long MDTPs bilong Papua Niugini na ol risalt eria GCF I autlainim hia.  
**GCF RISALT ERIA. Mitigesen o wok bilong Stopim**  
M1. Mekim na kisim enei  
M2. Trenspot  
M3. Bildim ol siti, indastri na ol aplaiens (ol samting bilong helpim yumi kisim pawa)  
M4. (Ol bus, na wei bilong yusim gut graun o len)  
**Adeptesen o wok bilong abrusim**  
A5. Helt, kaikai na wara sekuriti  
A6. Stap laif (laiplihud) bilong ol pipol na ol komyuniti  
A7. Ol infrastruksa na envairnemen  
A8. Ol ikosistem (bus,graun, wara) na ol sevis ikam long ikosistem.
- 3. Developmen bilong kantri program.** Wanpela ki step o bikipela samting long mekim ol klaimet eksten tingting bilong Papua Niugini I kamap tru em long luksave long ol sot tem na long tem projek.program na invesmen praioriti – ol stretejic tingting we bai helpim long kamapim ol bikipela senis long pasin bilong tingting na mekim samting o paradaim sif na yumi ken luksave long low emisen na gutpela developmen. Long statim dispela stretejic fremwek wantaim Green Climate Fund (GCF), National Designated Authority (NDA) /Fokel poin I ken tingting long statim wanpela kantri program na askim Fund long sapotim developmen bilong em aninit long GCF Redines Sapot Program. Wanpela bikipela objektif long kantri program em kantri ownasip. Long kamap wantaim dispela, kantri program I mas gat gutpela engagemen proses long bungim olgeta ki stekholda long olgeta level bilong gavman, lokel na komyuniti, praivet sekta na sivil sosaiti long putim fowed ol klia praioriti bilong kantri bai GCF iken sapotim. Dispela bai givim ol akreditet entiti sampela klia tingting long kamapim sampela kantri praioriti. Program bai givim sapot long kamapim ol dispela senis long wei bilong tingting na mekim wok na helpim kantri long mitim ol developmen we I gat low emisen na ken ssanap trong na kirap ken (resilience) sapos klaimet senis I bagarapim.
- 4. Statim projek skringing tul na praioritaikesen proses.** DA na stekholda praioritaikesen riviui proses bai kamap wantaim wanpela metodoloji tul oli kolim long Papua Niugini Multi-Criteria Analysis (MCA) tul. Dispela MCS metodoloji tul igat tupela hap: wanpela bilong givim sko o mak long ol proposel na renking na praioritaikesen proposel.
- 5. Opim kol o Givim toksave bilong proposel aidia o tingting.**

### Proses Level 2: Steps 6–10. Stat long projek aidia igo long pul proposel developmen.

- 6. Projek aidia developmen.**
- 7. Projek praioritaikesen.**
- 8. Divelopim konsep not.** Bihainim praioritaikesen bilong ol potensel projek na program, proposel bilong GCF fanding I ken stat olsem konsep not. Konsep not bai givim samari long dispela projek /program proposel long kisim fidbek o toktok I kam bek long GCF sapos konsep not I alain wantaim ol objektif na polisi na invesmen kraitiria bilong Fund.
- 9. Konsep not riviui, fidbek na rekomendesen o nupela tingting.** NDA na Sekreteriet bai toktok igo kam na givim fidbek igo long AE na advais sapos konsep not I gat tok orait o nogat, long mekim sabmisen gen o nogat.
- 10. Proposel developmen**

### Proses Level 3: Steps 10–14. Ikam long NOL igo long GCF tok orait o apruvel na taim bilong karim aut projek.


- 11. No-objeksen leta (NOL).** As tingting bilong no-objeksen em long stap stret wantaim ol nesanel klaimet strateji na ol plen na ol rot kantri i bihainim na long givim gutpela dairek na indairek pablik na praivet sekta fainenseng sapot i kam long GCF. Dispela no-objeksen leta emi i mas kam long tok orait o apruvel long olgeta proposel i submit igo long GCF. Em i impoten long gat no-objeksen leta NDA i sainim na i submitim wantaim konsep not long GCF i ken statim riviui.
- 12. Sekreteriet Riviui, Teknikel Advaisori Penel asesmen, Rikomendesen.** Sekreteriet bai karim aut ol sampela moa wok olsem du dilijens long lukluk klostu na skelim. Sekreteriat bai skelim long sait bilong komplaiens wantaim ol bikipela kraiteria bilong GCF olsem envairnemen sosel sefgad, genda polisi, fainensel polisi, na ol narapela polisi olsem Bod i putim, antap long wok bilong projek na program agensim ol aktiviti long ol spesipik kraitiria. Independent Technical Advisory Panel (TAP) bai karim aut teknikel asesmen long lukim na skelim wok i kamap aninit long projek na program, na skelim wantaim ol wanwan wok na kraitiria , olsem ii stap long invesmen fremwek (disisen B.09/05). TAP bai presentism ol outkam o kaikai bilong dispela teknikel asesmen na givim sampela rikomendesen o tingting bilong stretim wok long wanwan fanding proposel. Sekreteriet bai fesiliteitim bekim ikam long ol AEs igo long asesmen na rikomendesen ikam long TAP. TAP asesmen na ol bekim bilong ol AEs bai oli pablisim long GCF websait.
- 13. Bod riviui.** Bod bai mekim disisen long: i) Tok orait long o apruvim fanding proposel; o ii) Givim tok orait o apruvel we igat kondisen bai sampela senis ken kamap long taim bilong projek na program disain sapos igat fanding istap o iii) Rijektim o tok nogat long sapotim dispela fanding proposel. Fig 6 I helpim long lukim klia ol apruvel o tok orait proses bilong pul projek.
- 14. Projek implementesen o taim bilong karim aut ol wok long projek.**

# Genda na sosel inklusen insait long GCF projek wok kamap

Proses bilong konsaltesen o toktok igo kam long Papua Niugini i luksave long wok wantaim olgeta meri na man o genda, na luksave tu long ol kalsa bilong yumi. Long mekim sua olsem igat ol gutpela wok long mekim long wok bilong genda, Papua Niugini i developim wanpela Genda Meinstriming Gaidlain, we iken wok insait long wei bilong Papua Niugini. Dispela gaidlain em iken wok insait long ol kainkain grup long mekim bai ol tu iken kam na wok wantaim olgeta na luksave long ol narapela.

Antap long dispela, olgeta wok we i kamap namel long ol indijines pipol o ol asples lain bai saptim wok bung bilong olgeta na luksave long ol wok bilong ol long inapim olgeta lo bilong GCF long laip bilong olgeta wok na projek. Disain na wok karim aut long ol aktiviti bai bihainim olgeta raits na responsibiliti o wok istap insait long United Nations Declaration on the Rights of Indigenous Peoples, wantaim rait bilong fri, na toksave na tok orait i kam pas.

Fig 5 i soim rot Papua Niugini bai bihainim long putim olgeta wok bilong genda igo long projek na bihainim ol kalsa na sosel inklusen, o wok bung long olgeta hap bilong proses. Dispela sem proses i ken yusim long ol narapela liklik grup na bungim olgeta insait long projek laip o saikel.



**FIG 5.** Genda meinstriming insait long GCF projek laip o saikel.

Sos: GCF & UN Women 2017. *Mainstreaming Gender in Green Climate Fund Projects.*

Available at: <https://www.greenclimate.fund/document/mainstreaming-gender-green-climate-fund-projects>

### BOX 1. Ol rikwaiamen bilong GCF Genda na sosel inklusen meinstriming.

GCF irikwaiarim olsem meri na man, na ol lain bilong ol liklik grup i no gat strong insait long komyuniti i mas gat ikwal na ekwitebel opotuniti long kamap na wok bung insait long olgeta toktok na wei bilong mekim ol disisen insait long laip bilong projek, wantaim gutpela prektis, kodinesen na wok wantaim na pasin bilong stap fri, kisim gutpela tok orait long ol projek il kamap namel long ol asples.<sup>1</sup> Sampela spesel wok imas kamap long sapotim ol stekholda engegmen wantaim ol grup husat i stap arere na ino save toktok (marginalised), o ausait o longwe. Dispela konsaltesen bai kamap ples kliia taim ol toktok na fidbek bilong ol dispela lain bai GCF i kisim na ol AE bai stap long pepa o dokumentesen, na bai kisim tingting na putim igo long developim projek.

GCF i gat genda polisi na eksen plen we i karamapim olgeta wok bilong em na dispela istap long tulkit bilong GCF oli kolim long Mainstreaming Gender in Green Climate Fund Projects. Dispela tulkit i provaidim ol impoten steps i mas stap long taim bilong dispela GCF projek laip saikel. Genda meinstriming em i impoten long olgeta GCF projek na Fund i rikwaiarim olsem olgeta genda asesmen na eksen plen i mas sabmit wantaim projek konsep not we i soim dispela. Dispela wei bilong yusim GCF gaidens wantaim Gender Mainstreaming Guideline bilong Papua Niugini bai mekim sua olsem genda na sosel inklusen tingting i stap insait long dispela wok.

Genda analisis em i wanpela tul bilong lukluk gut na painim rot bilong stretim ol wok na rol, ol rait na ol level bilong mekim pawa na disisen, ol hevi na opotuniti bilong ol man, meri, ol pikinini man and meri and stap bilong ol long wanpela hap. Objektiv bilong genda analisis long ol wok bilong klaimet senis em long provaidim o givim evidens o soim stret ol samting i wok long kamap long ol dispela wok long sapotim ikwaliti bilong man na meri wantaim.

Long Papua Niugini dispela wok i kamap olsem “wok painim aut” – em proses bilong toktok long ol pipel, lukluk long ol pasin bilong ol na ol samting oli save mekim insait long komyuniti bilong ol, traिम long save moa long ol as bilong ol dispela pasin na wanem ol samting (drivers) i save mekim ol long mekim olsem, na save moa olsem wanem na ol dispela wei bilong ol i ken kamapim bagarap na hevi insait long komyuniti na painim ol wei long mekim senis we i ken kamap gut na stap.



© Moasope McCarthy



© Port Moresby Nature Park



© Moasope McCarthy

<sup>1</sup> GCF 2018. *Gender Equality and Social Inclusion Policy and Action Plan 2018-2020*. Available at: <https://www.greencimate.fund/sites/default/files/document/gcf-b19-25.pdf>



## BOX 2. Applaim o putim genda analisis ikam insait long Papua Niugini.

Genda analisis em i impoten long luksave long ol samting i narakain namel long rol o wok bilong ol man na meri, ol wanem kain pawa oli save holim long kain eria olsem mekim disisen, ol wanwan nids bilong ol, ol hevi na ol opotuniti na senis i ken kamap insait long laip bilong ol. Genda analisis i ken givim gutpela tingting igo long ol wok bilong klaimet eksen, long sait bilong disainim projek na i lukluk long ol dispela samting olsem:

- Long lukluk klia na painim rot bilong stretim ol samting ino stap long sem level namel long ol meri na man, and save moa long as bilong ol dispela hevi;
- Long lukluk klia na rausim ol samting i pasim o stopim gohet bilong ol meri long stap na wok bung na mekim wok i ken karim kaikai na holim sampela luksave wok olsem long sait bilong mekim disisen;
- Long lukluk long painim ol senis i kamap long wok bilong genda na stopim ol senis i ken bagarapim ol dispela wok.
- Long provaidim beslain olsem mesa bilong ol wok bilong genda ikwaliti na empawamen. Long provaidim ol evidens o samting i kamap long ol wok na rol bilong ol meri, man, ol pikinini man na meri na tu ol lain husat i stap olsem ol lapun na ol lain i stap wantaim sampela bagarap long bodi (disabiliti).



© Moasope McCarthy



© Moasope McCarthy



© Moasope McCarthy

## Ol risos bilong genda na sosel inklusen

**Government of PNG 2020.** Gender Mainstreaming Guideline. The Green Climate Fund in PNG. Gender Mainstreaming Guideline for Project Implementers.

**GCF 2018.** Gender Equality and Social Inclusion Policy and Action Plan 2018-2020.  
[www.greenclimate.fund/sites/default/files/document/gcf-b19-25.pdf](http://www.greenclimate.fund/sites/default/files/document/gcf-b19-25.pdf)

**GCF and UN Women 2017.** Mainstreaming Gender in Green Climate Fund Projects. A practical manual to support the integration of gender equality in climate change interventions and climate finance.  
[www.greenclimate.fund/sites/default/files/document/guidelines-gcf-toolkit-mainstreaming-gender\\_0.pdf](http://www.greenclimate.fund/sites/default/files/document/guidelines-gcf-toolkit-mainstreaming-gender_0.pdf)

# Ol askim i save kamap planti taim

## Wanem samting em Green Climate Fund?

Green Climate Fund (GCF) em i wanpela bikpela intanesinel opis ol develop kantri i kamapim na putim moni istap long sapotim olgeta wok bilong ol developing kantri olsem PNG long abrusim ol nupela hevi na bagarap i wok long kamap wantaim klaimet senis. GCF nau, bai helpim ol developing kantri long daunim ol nogut win o simuk ol i kolim long grinhaus ges (GHG) long spred na long daunim ol hevi o bagarap na abrusim klaimet senis.

## Climate Change Development Authority (CCDA)

I gat luksave ikam long Green Climate Fund (GCF) olsem National Designated Authority (NDA) o opis i makim olgeta opis insait long Papua Niugini long mekim wok bilong klaimet senis.

## Wanem samting em National Designated Authority o NDA?

National Designated Authority (NDA) em wanpela gavman opis we i kism tok orait long GCF, kain olsem opis bilong PNG CCDA. Wok bilong dispela NDA opis em long givim bikpela lukluk long ol wok bilong GCF insait long wanwan kantri. NDA bai tokaut long ol bikpela wok bilong kantri long sapotim wok bilong daunim nogut win o simuk (ol bikpela fektori i kamapim) na wok bilong strongim na banisim yumi long ol hevi we klaimet senis i save kamapim.

## Sampela wei o rot we yu ken bihainim long developim o kamapim proposol:

### Wanem samting em No objection letter?

#### *Long tok Inglis ol i kolim olsem "No objection letter".*

No objection leta (Letter of No Objection) em i kain olsem wanpela tok orait leta we, National Designated Authorities bai givim long yu. Dispela emi wanpela bikpla o impoten rikwaiamen em i mas istap wantaim ful projek proposol bai yu ken salim o submit igo long Green Climate Fund. Dispela leta bai givim toksave long Green Climate Fund olsem NDA opis i luksave na givim tok sapot olsem projek /progrem ya i bihainim tru olgeta nesinel klaimet stretegi na wok bai kamap bihainim ol wei bilong wanwan kantri.

### Wanem samting em Accredited Entity?

"Accredited Entity," em i olsem nem o taitol o luksave GCF i givim igo long wanwan opis o grup bikos ol dispela grup i inapim stret olgeta mak o rikwaiamen bilong GCF. Green Climate Fund(GCF) i save wok wantaim na insait long ol planti kain kain Accredited Entities long putim ol risos igo long ol projek na ol progrem. Accredited Entities em i kain olsem praivet o publik, ol non gavman, sab nesene, nesene, riginel, o intanesene, sapos ol i mitim olgeta stended bilong Fund. Ol Accredited Entities bai karim aut ol kain wok o aktiviti olsem developim ol fanding proposol na menesmen na monitering long ol projek na progrem.

## Hau mi ken aksesim Green Climate Fund?

### *Green Climate Fund (GCF) i save provaidim o givim sapot long tripela mein eria.*

**Projek redi fesiliti** – Bai sapotim Accredited Entities long Projek na Progrem redi moa yet long karim aut sampela go pas stadi na wok painim aut long envaironmen sosel impek asesmen, (sampela bagarap bai kamap long envaironmen sapos dispela wok bai kamap).

**Wok redi** – Bai sapotim wok bilong strongim kepesiti bilong National Designated Authority (na Direct Access Entities) long kodinetim ol wok bilong klaimet senis.

**Kantri Progreming** – Bai sapotim developmen na wok bilong mekim ol projek aninit long adaptesen (wok bilong abrusim) na mitigesen (wok bilong stopim)

### **Proses bilong dispela wokabout igo long Green Climate Fund bai kism hamas taim?**

Dispela proses i save stat long taim aidia o tingting i kamap long het i go inap long taim ful sabmisen na tok orait i kamap. Displela i ken kism klostu olsem tupela yias o moa. Long yumi long save long trupla taim bai dipen sapos olgeta rikwaiamen bilong Green Climate Fund proposel i mitim o nogat.

### **Husat i ken helpim mi long developim konsep not o aidia/ proposol?**

Green Climate Fund i gat rikwaiamen long wok wantaim wanpela Accredited Entity long sabmitim wanpela konsep not o aidia/proposel. Sampela wok bilong ol Accredited Entity em long sapotim dispela wok bilong developim konsep not napul proposel. Em i moa beta, o moa gut long wok wantaim wanpela Accredited Entity long stat bilong projek aidia developmen.

### **Mi bai go we long sabmitim konsep not/proposol bilong mi?**

Dispela konsep not o proposol pepa o dokumen em bai yu mas sabmitim i go yet long opis National Designated Authority. Long kantri PNG em bai yu sabmitim igo yet long Climate Change Development Authority long dispela opis, proposol bilong yu bai go thru long sampela asesmen o wok skelim (No Objection Procedure). Dispela em bilong helpim yu long kism sapot bilong mekim fainel disisen o toktok sapos leta Ol i kolim, No Objection Letter i kam. Taim proposol i mitim olgeta rikwaiamen, sabmisen i ken nau go stret long Green Climate Fund thru long National Designated Authority, o thru long Accredited Entity.

# GLOSSARY

**Akreditet Entiti:** Em Opis o bodi igat tok orait o apruvael ikam long GCF Bod na i bihainim tru gavaman lo pepa na ol disisen bilong Bod. AE (Akreditet Entiti) em tasol i bai putim olgeta ripot i go stret long GCF Bod long olgeta projek em i lukautim, wantaim tu olgeta wok fainensel, monitoring na wok bilong givim ripot long olgeta wok i kamap long projek wok. AE iken wanpela publik o praveit bod. Ol fanding proposal i mas kamap i go long GCF thru long ol AE na ino long narapela rot. Taim ol projek i kisisim tok orait, AE na ol EE iken wok wantaim long mekim wok long projek igo het. Wok bilong AE em long lukautim ol wok ikamap, long supavasisim o gaidim na skulim, lukautim na lukluk gat insait ol dispela wok long GCF i givim em tok orait long mekim.

**Adeptesen:** (Mekim wok long redim pipel lo abrusim ol bagarap o hevi ikam wantaim klaimet senis. Long apim o mekim moa ol banis o strong wantaim ol gutpela polisi, ol wok, ol save na ol infrastraksa long bosim na lukautim ol hevi bilong klaimet senis na daunim ol hevi na bagarap we klaimet senis i kamapim.

**Konsep not (CN):** Wanpela pepa o dokumen i provaidim o givim ol tingting na toktok long kamapim proposeol na kisisim bekim o fidbek sapos projek aidia (o konsep) istap stret wantaim ol as tingting, polisi na invesmen mak lo mitim ol tingting bilong GCF.

**Klaimet senis adeptesen:** (lukim "adaptesen").

**Klaimet senis mitigesen:** (lukim mitigesen).

**Direct access entities o Dairek Akses Entiti,** i wok wantaim ol sab nesinel, nesinel o riginel entiti o bodi/Opis. Ol kain olsem ol nesinel ministri o gavman ol Opis, nesinel developmen benk, nesinel klaimet fans, komesel benk, o narapela institusen/Opis i save givim moni o fainens, kain olsem.

**Eksektuting Entiti: 1:** Projek proponen o wanpela institusen o bodi husat ino AE i ken ekt/kamap olsem Eksektuting Entiti (EE). Taim AE istap olsem fan program menesa o Opis bilong lukautim moni na wok wantaim insait long kantri, EE iken lukautim na bosim olgeta wok GCF i sapotim aninit long lukluk bilong AE AE tu iken karim aut ol projek em yet. **2:** Wanpela entiti/Opis GCF bai yusim long putim sa o givim ol prosid o samting bilong karim aut ol ektiviti o wok, na/o sampela entiti/Opis ikarim aut ol wok. Akreditet entiti bai karim aut ol dispela wok bilong eksekutuing entiti, tasol bai krooa beta sapos igat lokel o nesinel lain long eksekutim o karim aut ol dispela projek na program

**Fokel poin:** Em wanpela Opis (meri o man) o bodi o kantri husat ol igat pawa ol i makim na I wok bung tru wantaim United Nations Framework Convention on Climate Change (UNFCCC) long kamapim olgeta wok bilong National Designated Authority.

**Fanding proposal (FP):** Wanpela pepa o dokumen bai ol entiti husat ilaik painim rot igo long Kisisim ol samting olsem moni na arapela helpim lo GCF long mekim wok bilong klaimet senis projek na program. Ol fanding proposal pepa iken sambit igo long GCF long enitaim o olsem bekim long ol askim bilong proposal o Request for Proposal (RFP). Fanding proposal o Pepa bilong askim Moni I sambit igo long GCF bai stap sabjek o bai kisisim skelim o riviu, inap disisen ikam long GCF Bod sapos projek bai kisisim sapot.

**Genda:** Ol wok, biheivia, o pasin bilong stap, ol ektiviti, na ol atribiut o pasin insait long wanpela sosaiti o ples ilikum olsem orait long ol man na ol meri.

**Genda anwesmen:** Karamapim olgeta o sampela kain tul bilong mekim ol wok skelim, o wok painim aut na soim ol data o inpomesen na hau oli narakin namel long ol man na long meri.

**Genda ikwaliti:** Ol ikwal rait, ol risponsibiliti o wok na ol opotuniti o sans istap bilong ol meri, man, ol bois na gels, o ol pikinini man na pikinini meri. Kwaliti ino minim olsem ol meri bai kamap semsem o wankain olsem ol man, tasol olsem ol rait na ol risponsibiliti o wok o ol opotuniti bai kamap long ol maski ol mama karim man o meri. Wanpela eksampel otok piksa em olsem long edukesen opotuniti/sans lo kisisim skul save, olgeta pikinini imas go long skul, na ino olsem ol pikinini man tasol iken go long skul na kisisim save.

**Genda ekwaliti:** Ol rot bilong givim wankain luksave na gutpela pasin igo long ol meri, man, bois na gels (ol pikinini man na pikinini meri) taim yumi luksave long ol narakin bids bilong ol. Yu ken tok stret pepa pasin o pasin nogut na I ken karim gutpela kaikai olsem ol wankain rait, gutpela samting lo helpim sindaun na ol sans lo painim narapela rot lo helpim.

**Klaimet senis genda asesmen ekson plens:** Bikpela wok bilong dispela klaimet senis genda asesmen na ekson plen em long mekim ol wok long stretim ol konstruin o hevi na tu tu gutpela opotuniti/sans bilong ol meri na man I kamap aninit o wok bung wantaim long dispela wok bilong skelim o glasisim ol meri na man olgeta yet go insait long projek disain/plen. Dispela plen bai karamapim olgeta man na meri ken wok bung wantaim long toktok na strongim o sapotim tingting bilong ol man meri we laik painim bagarap klaimet senis laik mekim kamap, wok painim aut long we man na meri stap lus o ino stap wankain

I ken nau stap wantaim dispela ripot pepa ol I kolim – risalt frem wok na ol bekim o gutpela samting I kamap long wok bilong genda.

**Intemediari:** Lukaut bilong ol gran na lon o moni taim em i yusim ol moni bilong em yet na bilong ol narapela.

**Intenesenel akses entiti:** Dispela I ken bailaterel ( name long tupela kantri o entiti), multilaterel (name long planti kantri o entiti) o riginel entiti. I ken ol bailaterel developmen ajensi/opis (eksampel Japanese International Cooperation Agency (JICA), multilaterel dibelopenmen benk (eksampel Olsem Wol Benk o World Bank, ol ajensi bilong United Nations, olsem United Nations Development Programme, riginel developmen benks (eksampel, African Development Bank), integavamentel oganaisan (eksampel World Wide Fund), olsem.

**Invesmen Kraitiria:** GCF Bod/Opis I adoptim sikispela invesmen kraitiria olsem impek potensel, o wok bai mekim gutpela senis, paradaim sifit potensel, olsem wok I ken mekim kamap senis long olwei bilong tingting, sastenebel developmen potensel, olsem wok I ken kamapim gutpela sindaun bai I stap yet long bihain bihain taim, nids bilong ol lain I kisisim dispela wok bai kamap, kantri bai I ownim olsem wok bilong em, na efisiensi na efektivnes olsem, wok imas ron gut na stap strong, na nogot ol pasin bilong slek nabaut.

**Mitigesen:** (Wok bilong stretim ol samting I kamapim klaimet senis) Long stopim klaimet senis, taim yumi daunim ol grinhaus ges emisen, o win nogut igo long atmosfera, o yumi halivim strong bilong dispela graun o et wantaim ol bikpela oesen o solwara, na ol bus long kisisim na holim kabon, o win nogut.

**National Designated Authority o Nesenel Deskinetet Autoriti** Climate Change Development Authority (CCDA) em I National Designated Authority (NDA) insait long Papua Niugini igo lon Green Climate Fund GCF, na Menesing Dairekta/Man go pas em Fokel Poin/em tasol wanpela rot GCF bai toktok lo em. NDA em opis istap insait long CCDA, long Port Moresby o Pot Mosbi Papua Niugini. NDA em I pes hap bilong kisisim toktok na mekim kontek namel long PNG na GCF. NDA bai painim wok long mekim sua olsem olgeta ektiviti/ol wok I kisisim sapot long GCF I stap stret o alain wantaim ol stretejik nesenel objektiv na ol praioritit o bikpela wok bilong PNG, na helpim long karim ol laik bilong mekim wok long adeptesen na mitigesen aninit long plen bilong nesenel nids. NDA na Fokel Poin I kamapim ol wok program na givim lukluk igo long ol proposal bilong PNG we PNG I laik salim igo long GCF. Lis/namba bilong ol NDAs na ol Fokel Poin bilong ol narapela kantri istap long aninit intanet sevis ol makim kamap; [www.greencclimate.fund/partners/countries/nda-directory](http://www.greencclimate.fund/partners/countries/nda-directory).

**Projek Preperesen Fasiliti (PPF):** Wanpela windua o rot insait long GCF we I sapotim AE lo projek na program wok redi. Em ikaramapim ol wok painim aut na wok redi, ol projek disain, ol envairenmen na sosal na genda stadi, asesmen bilong painim ol risk o samting iken go rong, o ol sampela hevi we iken kamap, na olgeta wok bilong redi, we sapos igat nid, bai igat sapot istap. PPF bai givim sapot igo long ol Direct Access Entities o Dairek Akses Entiti long ol projek I stap olsem makiro o bikpela – igo long liklik sais (micro- small size category).

**Risalt erias (sem o wankain olsem "Stretejik impek erias):** Eight pepa risalt/impek erias bai kamapim ol bikpela na gutpela wok bilong mitigesen (stopim) na adeptesen (abrusim) insait long developing wol (o liklik kantri) long promotim o kamapim paradaim siv o senisim we bilong mekim ol wok, na helpim long daunim developmen wok we bai helpim klaimet bilong yumi. Mitigesen igat fopela hap erias olsem; wok bilong jeneretim eneji na pawa mas low emisen, o inoken mekim bai planti win nogut igo aut long etmospia, ol trespot imas low emisen, ol bikpela bilding, ol siti na ol indastri imas yusim eneji long skel na ino westim nating nating, na olgeta graun na bus imas stap long sastenebel menesmen. Adaptesen I karamapim ol dispela fopela: Wok bilong stretim laip bilong ol lain I stap long ol hap we bagarap I ken kisisim ol hariap, Ol komuniti na rigen, Gutpela helt, na stap gut, kaikai na wera sekuriti, na ol strongpela infrastraksa ino nau kisisim bagarap na envairenmen yumi bildim long pasim ol bagarap bilong klaimet senis. Olgeta proposal imas lukluk o igat wanpela o moa long ol dispela risalt/impek erias.

**Wimen Empawamen o Empawamen bilong ol meri:** As o bun bilong empawamen o strong I silip insait long abiliti o strong bilong ol meri long kontrolim o makim stret destini o rot ol laik bihainim igo long wanpela gutpela hap ol bai kamap long em. Dispela em iken min olsem long kisisim empawamen, ol meri inoken gat tasol ol samting olsem edukesen na helt) na wankain rot igo long ol risos na opotuniti (olsem graun na wok) tasol oli mas gat laik bilong ol long yusim ol dispela rait na strong, risos na opotuniti long mekim ol gutpela sois na disisen, eksampel o tok piksa olsem go pas wok sans na wok long insait long ol politiks. Long eksasaisim dispela friidom long gat sois, o ajijensi bilong ol, ol meri imas stap fri na noken poret long valiens na pasin bilong bosim narapela.



Tree kangaroo. © Port Moresby Nature Park, 2020

## Long kisim moa inpomesen

Mekim kontek long hia:

### **NDA**

Climate Change and  
Development Authority  
P.O. Box 4017  
Boroko, NCD  
Papua New Guinea  
[www.ccda.gov.pg](http://www.ccda.gov.pg)  
[info@ccda.gov.pg](mailto:info@ccda.gov.pg)

### **GCF**


Green Climate Fund  
G-Tower, Songdo Business District  
175 Art Center-Daero  
Yeonsu-gu, Icheon 22004  
Republic of Korea  
[www.greenclimate.fund](http://www.greenclimate.fund)  
[info@gcfund.org](mailto:info@gcfund.org)

### **Accredited Entities**

Long moa inpomesen long AE,  
kam lukim ol sait bilong ol  
wantaim dispela GCF link bilo:  
[www.greenclimate.fund/about/  
partners/ae](http://www.greenclimate.fund/about/partners/ae)

© Copyright 2020, Climate Change and Development Authority

All rights reserved. Apart from any fair dealing for the purposes of private study, research, criticism, review or any other purposes permitted by the Copyright and Neighbouring Rights Act 2000, no part may be reproduced, stored in a retrieval system, or transmitted, in any form or by any means, electronic, mechanical, photocopying, recording, communication to the public or otherwise without prior written permission of the copyright owner. Full acknowledgement of author, publisher and source must be given.



**Climate Change and  
Development Authority**

### **NATIONAL LIBRARY SERVICE OF PNG CATALOGUING-IN-PUBLICATION DATA**

*Papua New Guinea. Climate Change and Development Authority: Communication Strategy, 2019-2022.* Port Moresby: Papua New Guinea. Climate Change and Development Authority, 20189

ISBN: 978-9980-909-67-1

1. Papua New Guinea. Climate Change and Development Authority.
  2. Business planning - Papua New Guinea.
  3. Strategic planning - Papua New Guinea.
- I. Papua New Guinea. Climate Change and Development Authority.
  - II. Title.

All enquiries and/or reviews should be addressed to:

Climate Change and Development Authority  
Savannah Heights, Dynast Tower, Waigani, National Capital District  
PO Box 4017, BOROKO 111  
Papua New Guinea